



**SIGMA**

A joint initiative of the OECD and the EU, principally financed by the EU



OECD

Creating Change Together



# Fjalimi hyres

**Karen Hill**

**Drejtore e Programit Sigma**

**Karen Hill, Drejtore e Programit SIGMA**

2 Rue André Pascal  
75775 Paris Cedex 16  
France

Tel: +33 (0) 1 45 24 82 00  
Fax : +33 (0) 1 45 24 13 05  
<mailto:sigmaweb@oecd.org>

[www.sigmaweb.org](http://www.sigmaweb.org)

This document has been produced with the financial assistance of the European Union. The views expressed herein can in no way be taken to reflect the official opinion of the European Union, and do not necessarily reflect the views of the OECD and its member countries or of beneficiary countries participating in the SIGMA Programme.

This document and any map included herein are without prejudice to the status of or sovereignty over any territory, to the delimitation of international frontiers and boundaries and to the name of any territory, city or area.

Është kënaqësi e madhe të jem në Ankara për të hapur këtë konferencë të rëndësishme për zbatimin e Menaxhimit Financiar dhe Kontrollit brenda konceptit të Kontrollit të Brendshëm Financiar Publik, ose KBFP. Po ashtu, dua të shpreh edhe falenderimet e SIGMA për bashkëorganizatorët tanë turq që kanë punuar shumë me ne për përgatitjen e këtij aktiviteti.

Siq e dini, koncepti i KBFP-së u zhvillua si mënyrë për të ndihmuar vendet kandidate dhe potenciale kandidate që punojnë për anëtarësimin në Bashkimin Europian për të zbatuar një sistem të kontrollit të brendshëm financier efektiv dhe të besueshëm për të mbrojtur burimet publike dhe për të garantuar disiplinën fiskale. Ai është një kornizë për të ndihmuar menaxherët dhe institucionet të menaxhojnë me eficencë burimet e tyre në mënyrë që fondet publike të alokohen si duhet dhe vendimmarrësit politikë të mund të ndjehen të sigurt që vendimet e tyre do të zbatohen brenda një kuadri solid institucional dhe procedural. Po ashtu, një sistem efektiv i kontrollit të brendshëm garanton siguri që nuk ka të ngjarë të ndodhin ose të mos zbulohen gabime financiare të mëdha, mashtrim dhe ekstravagancë.

Për shumë vjet, SIGMA është angazhuar shumë në ndihmesën për ju dhe kolegët tuaj për zbatimin e reformave të KBFP-së të kërkura në kapitullin 32. Megjithëse fokusi kryesor i përpjekjeve tona ka qenë dhe do të mbetet në nivel vendi, ne vitet e fundit kemi ofruar mbështetje edhe për Rrjetin rajonal të KBFP-së, një projekt i mbështetur nga DP e Buxhetit përmes Z. Robert Gielisse dhe ekipit të tij.

Në atë kontekst, kjo është konferanca e tretë rajonale për KBFP-në që SIGMA ka organizuar në vitet e fundit. Konferanca e parë u mbajt në tetor 2010 në Kroaci, me qëllim diskutimin e elmenteve bazë të reformës së tre shtyllave të KBFP-së: menaxhimi financier dhe kontrolli, auditimi i brendshëm dhe Njësia Qendrore e Harmonizimit. Konferanca e dyte ishte në shtator 2011 Slloveni dhe qëllimi ishte t'u jepte pjesëmarrësve praktikat më të mira për prezantimin dhe zhvillimin e KBFP-së. Një qëllim tjetër i të dyja konferencave ishte të krijonin një bashkëpunim më të ngushtë midis vendeve pjesëmarrëse duke krijuar një rrjet informal të KBFP-së për të bërë të mundur shkëmbimin e mendimeve dhe eksperiencave.

Vlerësimet e pjesëmarrësve në konferencat e mëparshme treguan se aktivitetet ndihmuan për të thelluar diskutimet për çështjet kryesore dhe se pjesëmarrësit mendonin se formati i konferencës ishte shumë i dobishëm për ta.

Rrjeti i KBFP-së është i vetmi instrument ekzistues për krijimin e bashkëpunimit ndërmjet Njësive Qendrore të Harmonizimit në vende kandidate dhe potenciale kandidate për BE, kështu jam e vendosur që SIGMA duhet të vazhdojë të mbështesë rrjetin, duke u lejuar anëtarëve të ndajnë përvojat e tyre me njëri tjetrin në lidhje me sfidat që ata përballen dhe problemet që atyre u është dashur të zgjidhin, ndërkohë që përpilen të zbatojnë KBFP-në në vendet e tyre.

Po ashtu, mendoj se është veçanërisht e rëndësishme që ju të ndani informacionin me njëri tjetrin si një alternativë për tu mbështetur në asistencën teknike sepse eksperiencia e një vendi fqinj në rajon është shpesh me një rëndësi të madhe dhe kjo mund t'ju ndihmojë për të marrë pronësinë e zbatimit të reformave të KBFP-së në vendin tuaj.

Ndërsa dy konferencat e mëparshme u përqendruan tek KBFP në përgjithësi, kjo konferencë do të fokusohet tek shtylla e MFK-së.

Vlerësimet e SIGMA-s kanë tentuar të zbulojnë se shtylla e MFK-së ka mbetur prapa shtyllës së auditimit të brendshëm, edhe në ato vende ku janë emëruar menaxherët e MFK-së. Përgjegjshmëria menaxheriale dhe delegimi i përgjegjësive janë identifikuar si parimet që po zhvillohen shumë ngadalë në shumë vende të rajonit. Për më tepër, megjithëse auditimi i brendshëm është i ndarë nga struktura e menaxhimit të brendshëm, politika e MFK-së ka pasoja për auditimin e brendshëm, i cili nuk mund të funksionojë me efektivitet kur nuk ka vullnet për përgjegjshmëri menaxheriale. Fokusi tek MFK do të garantojë që të diskutohen këto çështje dhe duhet të ndihmojë për të identifikuar pengesat e progresit.

Gjatë dy ditëve e gjysëm ju do të dëgjoni prezantime nga disa prej delegacioneve këtu këtë javë si edhe nga ekspertët e SIGMA. Prezantimet synojnë të fokusohen tek **zbatimi** aktual i MFK-së, sepse thjesht ekzistanca e një baze ligjore është e pamjaftueshme për një kulturë efektive të veprimit të MFK-së. Përveç seancave me pyetje dhe përgjigje në fund të çdo prezantimi, do të keni mundësinë të merrni pjesë në diskutime, edhe në seancat plenare në këtë sallë, edhe në seancat e grupeve të punës.

Dëshiroj të përmend që përgjigjet e pyetësorit që ju është kërkuar të plotësoni më parë tregojnë se disa vende po luftojnë të zbatojnë një sistem të fortë, të qendrueshëm të MFK-së për shkak të mungesës së angazhimit të niveleve të politikës dhe të menaxhimit të lartë, dhe mungesës së një strategjie të koordinuar për prodhimin e një strategjie të tillë. Shpresojmë që këto çështje do të diskutohen gjatë konferencës, veçanërisht gjatë seancave të punës në grupe. Qëllimi i këtyre seancave është që t'ju lejojnë të merrni çfarë keni dëgjuar në pjesën e parë të konferencës dhe të diskutoni si të gjeni mënyrën më të mirë për ecur përpara për zbatimin e MFK-së në vendin tuaj.

Mendoj se është e drejtë të thuhet se programi i konferencës është i ngjeshur por edhe shumë interesant. Sigurisht suksesi i saj varet nga ju dhe sa të hapur dhe të sinqertë do të jeni në diskutimet tuaja. E di se konferencave të mëparshme nuk u kanë munguar këto dhe kam besim se ju të gjithë do të ndihmoni që ky aktivitet të realizohet me sukses, dhe një përvojë e këndshme dhe pozitive.

Në emër të ekipit të SIGMA-s ju uroj një konferencë të këndshme dhe të frutshme.